



BARNE EBAZPENA, 2022ko apirilaren 5ekoa, Hezkuntza Saileko Hezkuntza sailburuordearena, zeinaren bitartez, 2022-2023 ikasturtean herri-ikastetxeek Ulibarri Programan sartzeko edo jarraitzeko bete behar dituzten baldintzak eta herri-ikastetxe bakoitzari dagozkion dedikazio-orduak esleitzeko irizpideak ezartzen baitira.

Ekainaren 11ko 84/2019 Dekretuak (ekainaren 21eko EHAA) hizkuntza-normalizazioko Ulibarri Programa arautzen du. Ondoko eragileek parte hartzen dute Ulibarri Programan: hezkuntza-administrazioak, ikastetxeek eta EAEko unibertsitatez kanpoko ikastetxe publiko zein kontzertatuetako hizkuntza-normalizazioko proiektuen garapenean diharduen eragileek.

Dekretu horren 8. C) artikulua honakoa ezartzen du: "Hezkuntza arloan eskuduntza duen Sailaren ikastetxeetan, ikastetxeko hizkuntza-normalizazioko arduradun teknikoari eskola-emankizunetan esleitu zaizkion ezinbesteko liberazio-orduak Sailak beteko ditu. Salbuespen izango dira Haur Hezkuntzako eta Lehen Hezkuntzako ikastetxeak; izan ere, ikastetxe horietan, liberazio-orduak ikastetxe bakoitzeko langileen ohiko dotazioen barruan sartuta daudela ulertuko da".

Bestalde, Dekretuaren 28.1) artikulua honakoa dio: "Ulibarri Programaren jarraipen-batzordeak proposatuta, hezkuntza alorreko eskumenak dituen sailburuordeak ebazpena emango du Ulibarri Programan onartua izateko eta bertan jarraitzeko prozeduretan, eta programan sartzeko diren ikastetxeen zerrenda onartuko du, baita bertan jarraituko dutenena ere, ikastetxeko hizkuntza-normalizazio planaren arduradun teknikoaren asteko liberazio-orduekin batera".

Hortaz, Ulibarri Programan 2022-2023 ikasturtean arituko diren herri-ikastetxeentzako eta programan sartzeko eskaera egin nahi dutenentzako prozedura-irizpideak ezarri behar dira barne-ebazpen batekin.

Horren guztiaren haritik

EBAZTEN DUT

1. artikulua.- Esleitutako ordu-kopurua.

Hezkuntza Sailak Ulibarri Programan ariko den herri-ikastetxe bakoitzari 3, 6 edo 9 orduko dedikazioa esleitu dio, ekainaren 11ko 84/2019 Dekretuaren 15. artikuluan ezarritako baremoaren bidez.

2. artikulua.- Eskabideak.

1.- Ulibarri Programan sartu edo jarraitu nahi duten ikastetxeek eskabidea egin behar dute, 2022ko apirilaren 6tik 2022ko maiatzaren 5era arte. Hori izango da eskabideak aurkezteko azken eguna.

Eskabidea aurkezteak deialdi honetako oinarriak eta baldintzak espresuki eta formalki onartzea dakar.

2.- Ikastetxe berriak: 2022-2023 ikasturtean Ulibarri Programara bildu nahi duten herri-ikastetxeek jarraian aipatzen diren dokumentuak aurkeztu behar dituzte eskabidearekin batera helbide honetan:

<https://educacion.hezkuntza.net/group/deialdiak/ulibbarri-2022>



- a) Ikastetxearen hizkuntza-normalizazioko proiektua (2022-2026), dekretuan ezarritako moduan eta berritzeguneetako hizkuntza-normalizazioko aholkularien jarraibideak betez, eta, betiere, www.ulibarri.euskadi.eus webguneko eredia erabilita.
- b) Proiektu-proposamenak ikastetxeko Ordezkaritza Organo Gorenaren edo ikastetxeko Eskola Kontseiluaren onarpena baduela egiaztatzen duen agiria.
- c) Proiektu-proposamena ikastetxeko hizkuntza-proiektuaren ildo nagusietan txertatzen dela egiaztatzen duen ikastetxeko zuzendaritzaren agiria.

3.- Ulibarri Programan dauden ikastetxeak: 2022-2023 ikasturtean Ulibarri Programan jarraitu nahi duten ikastetxeek eskabidea egin beharko dute helbide honetan:

<https://educacion.hezkuntza.net/group/deialdiak/ulibarri-2022>

Eskabidearekin batera, honako dokumentua aurkeztu behar dute:

- a) Ikastetxearen hizkuntza-normalizazioko proiektua (2022-2026).
- b) Ikastetxeko Ordezkaritza Organo Gorenak edo Eskola Kontseiluak onartu behar du proiektua.

3. artikulua.- Ulibarri Programan dauden ikastetxeek egin beharrekoak.

1.- Ulibarri Programan dauden ikastetxeek 2022-2023 ikasturteko Plana eskegi beharko dute egoitza elektronikoko "nire eskabideak" atalean:

<https://educacion.hezkuntza.net/group/deialdiak/nire-eskabideak/>

Aurkezteko epea: 2022ko irailaren 1etik 2022ko irailaren 30era.

Baldintza hori eskabidea egin eta gero, eta Ulibarri Programaren Jarraipen Batzordeak onartutakoan bete behar da. Jarraipen Batzordea honakoek osatzen dute:

–Batzordeburua: Ikaskuntzaren eta Hezkuntza Berrikuntzaren zuzendaria: Amaia Agirre Pinedo.

–Bokalak:

a) Ikaskuntzaren eta Hezkuntza Berrikuntzaren Zuzendaritzan Euskara eta Eleaniztasunerako zerbitzaburuak.

b) Euskara eta Eleaniztasunerako Zerbitzuan Ulibarri Programaz arduratzen diren bi teknikari. Alfredo Castresana Herran eta Maitane Izagirre Zubimendi.

c) Berritzeguneetako normalizazioko bi aholkulari (HNA) eta berritzegune nagusiko hizkuntza-normalizazioko programaren arduraduna. Maria Luz Arranz Uribarrena, Garbiñe Altuna Villar eta Joseba Ibarretxe Fernandez de Larrinoa.

d) Egoki iritziz gero, batzordean hizkuntza-normalizazioan itzala duten adituek ere parte hartu ahal izango dute, gehienez bik.

– Idazkaria: b) letran aipatutako teknikarietako bat.

2.- Era berean, 2023ko ekainaren 1etik 2023ko ekainaren 30era bitartean, 2022-2023 ikasturteko memoria eskegi beharko dute egoitza elektronikoko "nire eskabideak" atalean:

<https://educacion.hezkuntza.net/group/deialdiak/nire-eskabideak/>



4. artikulua.- Bete beharreko araudia.

Unibertsitatez kanpoko ikastetxeetan hizkuntza normalizatzeko Ulibarri Programa arautzen duen 84/2019 Dekretua bete behar da deialdi honetan.

AZKEN XEDAPENETATIK LEHENENGOA

Agindu honen aurkako erreklamazioak Hezkuntza sailburuordearengana bidali behar dira, jakinarazten den egunaren biharamunetik hasi eta hilabeteko epean.

Gasteizen, 2022ko apirilaren 5ean.

María Begoña Pedrosa Lobato

Hezkuntza sailburuordea